

سِرِّ سِرِّ سِرِّ

سِرِّ سِرِّ سِرِّ

آبِعُونَ اِهْدِكُمْ سَبِيلَ الرَّشَادِ

وَاللّٰهُ يَهْدِيْ مَنْ يَّشَاءُ اِلَى صِرَاطٍ مُّسْتَقِيْمٍ دِيْنِيْ ، عَلَمِيْ ، اَدَبِيْ ، سِيَاسِيْ هَفْتَه لَوِ جَمْعُوْعَةُ اِسْلَامِيَّه دَر

صاحب و مدیر مسئول : ع . اشرف ادیب

جلد ۱-۸

۱۴ خزیران ۱۳۲۸

پنجشنبه

۱۲ رجب ۱۳۳۰

عدد ۱۷-۱۹۹

مساعدہ ایدلما مکده در. فابریقه لرك اسراری تمامیه مأمورلری طرفندن
محافظه ایدیلیور .

بالاده کوستریلن صنایع و حرف تمامیه آوروپانک حال حاضرده
اعمال ابتدیی آلات و ادوايه مشابه و مماثل برحالده در . بونلردن بشقه
امیر حضرتلری طرفندن آوروپادن دها بشقه یکی فابریقه لرك جلای
تقرر ایتش و دها سائر حرف و صنایعی اوکرنمک ایچون آوروپایه
مسلمانلردن برچوق کنج ، دیندار طلبه لر اعزام قلمشدر .

آلتی بیک سنه لک غنماته ، شان و شهرته مالک اولان ایران
دواتی خانلق و اتاب ایله اوغراشوب وطن و مملکتک منافع مادیه
و معنویه سنی اغراض و آماله فدا ایتدیلر . مملکتک (ایرانک)
استقلالنی روسیه یه صاندیلر . ایران ایله افغانسته ن امیر وقومی بیننده
برمقایسه یاییلمق لازم کلیرسه بریکیلرک محو و انقراضه یوزطوتدقلرینی ،
اوته کیلرک ایسه چوقدن برو خواب غفلتدن اویانوب شئونات ملکیه
و وطنیه لرینک اصلاحنه بذل غیرت ایتمکده اولدقلری قولایجه
اکلاشلیور .

ایرانک یوزده بری قدر طنطنه تاریخیه مالک اولمایان افغانستان
حکومت اسلامییه سی الیوم روسیه وانیکلتریه قارشو کندیسنی بحق
محافظه و مدافعه ایده بیلیمک اقتدارینه مالک اولدینی حالده ایران
حکومتی ، بوسبوتون تمش ، محو و خراب اولمش ، روسیه وانیکلتره نیک
بوتون تحکم و تهکمانته سرود ایتمکده بولمشدر .

حاصلی برشخص برملتی باطیرر ، بر آدم برامتی اوج اعلايه
چیقاریر .

مولای حفیظ ، اوتانیمه رق دینی ، ملتیی ، مملکتیی فرانسزلره
صانار ؛ افغانستان امیر درایت مندی بر آووج افغانلینی اعلا واحیا
ایدر . (اللهم تؤتی الملك من تشاء وتنزع الملك ممن تشاء وتعزمن تشاء
وتذل من تشاء بيدك الخير انك على كل شیء قدير .)

س . م . ت

بلغارستان مسلمانلری

امور معارف

دارالمعلمین کشاری . — بلغارستان مسلمانلری ، بر قاج سنه دن
بری ، کندی مکتبلرینه معلم تشدیرمک اوزره بر (مسلمان دارالمعلمینی)
کنه ادینی حکومتلردن طلب ایدیورلردی . آنلرک بو طلی دها
(مالدینوف) قاینه سی زماننده قبول ایدلمش وبر قومیسینون مخصوص
طرفندن تعلیماتی و پرغرامی احضار اولمش ایسه ده ، بونک اجرایی
ممکن اولمامش ایدی . بوکون (کشوف) حکومتی مسلمانلرک بواملتی
اجرا ایدیور . آراق مکتبک تعلیماتی حکومتک جریده رسمیه سی
اعلان ایتدی . اراده قرالی یه اقتران ایتدیکی کورلدی . تعلیمات
مذکوره بروجه آتیدر :

برنجی ماده — بلغارستان مکاتب ابتداییه اسلامیه سنه معلم تشدیرمک

دولکرتلق . مرانغوزلق ، طوغرامه جیلوق صنایعی :

شراجلق .

پرنججیلق .

قویوجیلق .

باقرجیلق .

بویاجیلقک انواعی .

نقاشلق

رساملق .

نعلبندجیلق ، بیطارلق .

مسکوکات ضرب و اعمالی .

سیمکشلق .

مشیندن یاییلان هر درلو چانطه ، وعسکره لازم ادوات .

اورمه جیلک .

طوقومه جیلوق .

خالجیلق .

کلیمجیلک .

صرمه جیلوق .

هجاری و معماری .

لیتوغرافی .

تیپوغرافی .

زینکوگرافی .

حکاقلق . (هر درلو طاش و معدن اوزرینه)

اویمه جیلق . (« « « «)

موبیله جیلوق .

چوراچیلق .

دیشجیلک . (معدندن صنعی دیش یا بقی)

دوکه جیلک .

بلورجیلک .

بالاده کوستریلن بوتون اشیا الیوم کابلده امیر حضرتلری طرفندن
مجدداً انشا و تأسیس اولنان بویوک فابریقه لرده افغانستان کراسته .
لرندن مسلمان اوسته ، چراق و عمله لر واسطه سیله (بخار) ایله اعمال
اولنور . مذکور ماکنه لر شهر خارجنده اک کوزل بر موقعه ده
تأسیس ایدیلوب ، ماکنه لرك قولایلقه تدویری ایچون صوک سیستم
موتورلره متحرکدر .

مذکور فابریقه لرك نظارت عمومیه سی (لوا) محمد سرورخانه امیر
حضرتلری طرفندن تودیع و تفویض اولندینی کبی مدیریت عمومیه سنه ده
مهندس (محمد رضا بک خان) تعیین اولمشدر .

فابریقه لره کون کمال فعالیتله اون ساعت ایشله مکده و افغانستانک
عسکرینه اهالیسنه لازم کن اشیا یی اعمال ایتمکده در . مذکور فابریقه لره
اذن و رخصت مخصوصه ایله کیریلیر . ییانبجی و غیر مسلمه هیچ بر زمان

مکتوبات

لورد کیچنر و خدیو

لوندرده منتشر (ذی ایچیت) غزته سی یازیور :

لورد کیچنر مصرده اسلافنه مخالف برخط حرکت تعقیب ایدیور . مشارالیه خدیو عباس پاشا ایله کوروشه رک ایستدیکنی یاپور . مأمورین حکومت رؤسائی طوغریدن طوغری به قبول ایله اوامر مخصوصه و بریوره مصر ملحقاتی دور و تفتیش ایله کویلیلرک شکایاتی بالذات استماع واکا کوره مدیرله اوامر و نواهی اعطا ایدیور . استاسیونلره اؤغرادینی زمان اهالی کندیسنی بویوک برطنظنه ایله قبول ایدیورلر . خدیوه قارشو بیله کوسترلیان نمایشلری اهالی و فلاحین لورده ابراز ایدیورلر .

خدیوک ، مصرده یالکیز قورو براسم و شهرتی قالمشدر ، یوقسه زمام امور حکومت تمامیه لوردک لندهدر . کیچنر کندی پولتیقه سیله آمالی تروج ایچون خدیوک منافع شخصی و خصوصیه سنه طوقونیه رق ، مصر اوقافندن اجرا ایتمکی مداخلاتی کورماینلکدن کلپور . خدیو ایسه بوقدر برصلاحیته اکتفا ایدرک بوتون اوقاتی کندی امور خصوصیه و زراعیه سیله اصرار ایدرک یازین معتادی وجهله اسنانبوله و اوروپا به سیاحتلر یاپه رق کندی ایشنه یاپور . خدیوک وظیفه سی ملنک ، امتک ایشارنه باقی و تبعه نك حقوقی محافظه و صیانت اتمک و کیمسه نك شکایتنه محل برقامق ایسه ده مصرده طرز اداره و زمام امور بوسبوتون بشقه برنك کسب ایلشدر . هرکیم انکلیزلر و آنلره پیرو اولانلره خوش کچوب آنلره دال قاور قلق ایدرسه سلمه السلام هراستدیکنه نائل اولور . بوله باعیانلر ایسه ابدیاً محروم قانغه محکومدرلر . خدیوک مصرده کی منسوبینی ایسه او قدر چوقدرکه ، بوئر صباحدن ایشامه قدر قهوه خانلری طولاشیور ، شونک بونک احوال شخصی و خصوصیه سنی تدقیق ایدیور . ناسیونالیستلره منسوب اولوب اولدقلرخی کلامغه چالیشیورلر .

مصر احوال اقتصادی سی کوندن کونه فنالشقه در . زواللی فلاحلرک لنده برشی قانامه باشلامشدر . انواع حیل و دسایس اقتصادی ایله محنتکرلر ، بائققلر و بوکا یاردم و مساعده ایدنلر ، زواللی فلاحینک ثروتی سولوک کبی امیورلر . مصر محکمه لرینه کلنجه اولنده انکلیزلره خدیوک لنده کوربرآت کبی قالمشدر . خدیوک علیهدارلره مصر ناسیونالیستلری هرکون بر بهانه و صورتله خمس ونفی و اشکنجه ایدیورلر . مطبوعات قانونی تمامیه حکومت خدیویه نك کیفته تعدیل ایدلش اولوب ، اوقاجق برتنقید و یا اعتراضده بولنان غزته لری - خصوصیه ناسیونالیستلرک مروج فکری اولانلری - قیامت ایچون صودن بر بهانه کایدلر .

مکتوبات

کاشغر احوالی

کاشغردن قولجه لی عبدالعزیز افندی حضرتلرینه اخیراً ورود ایدن

برمکتوبک صده دائر قسمندن آلمشدر :

کاشغر ، اوروجی و حوالیسنده احوال مضطربدر . حکومت سابقه طرفدارانی ایله حکومت جمهوری عسکری چارشمقدهدر . کاشغر و اوروجی و تابی اولان جمله ولایتلرده کی حکومت سابقه ارکان و قوماندانلری قتل و اموالی یغما ایدلشدر . یغما شهرلره دخی سرایت ایتش ایسه ده حکومت جمهوری طرفندن زور ایله اوکی آلمشدر . تجارت و صنعت طورغوندر . روس

اوزره شمئیده برپداغوزی مکتبی (دارالمعلمین) آجیله جقدر . بومکتبه علوم دینی درسک تدریسی باش مفتینک تفتیشنه تابع بولنه جقدر . مفتی مشارالیه بوخصوصه کی مطالعاتی مکتب مدیرنه بیلدیره جکدر .

ایکنجی ماده - بومکتب ایلك زمانلرده یالکیز ایکی صنفی حاوی بولنه جقدر . اوچنجی ماده - مکتب مذکورک برنجی صنفنه قید اولمق ایستینلر ، بلغارستان داخل و خارجنده بررشدیه مکتبئی ا کمال ایتش بولنلی و یاخود بلغار مکتب رشدیة رسمیه سنک ایکنجی صنفی ا کمال ایتش اولمیدرلر . بلغارستان خارجنده رشدیة تحصیلی کورنلر ، بلغارستان تابعینده بولنمق و دخول امتحانی و یرمک مجبوریتندهدرلر .

ملاحظه : ایوم بلغارستان مکتب اسلامیسنده معلمک وظیفه سیله مشغول بولنانلر . بلغار لسانی ، حساب ، علوم طبیعی ، تاریخ و جغرافیا درسلرندن بلغار مکتب رشدیة سنک ایکنجی صنفنده اوقوندینی قدر و ترکیه دن مکتب رشدیة اسلامیسنده تدریس اولندینی قدر صاحب معلومات بولندلرخی اثبات ایستکلری تقدیرده شمنی دارالمعلمینک برنجی صنفنه قبول اولنه بیلیرلر .

دردنجی ماده - بومکتبک برنجی صنفنه یکریمی یاشنی تجاوزه ایدنلر قبول اولنمزلر .

ملاحظه : ایوم معلم بولنانلردن ، اوتوز یاشنه قدر اولنلر مکتب مذکورک برنجی صنفنه قبول ایدیله بیلیرلر .

بشنجی ماده - دخول امتحانی ، هیئت تعلیمی طرفندن منتخب بش کشیلک برامتحان هیئت حضورنده اجرا ایدیله جکدر .

آلتنجی ماده - بلغارستان مسلمانلری ایچون حکومت طرفندن آجیلان بودارالمعلمین بلغار مکتب تالیه سی نظامنامه سنه توفیقاً اداره اولنه جقدر .

ملاحظه : مذکور نظامه دن ، مسلمانلرک عادات دینی لرینه مخالف بولنان ماده لر ، ملقا عید ایدیور .

یدنجی ماده - شمنی دارالمعلمینده آتیده کی درسلر اوقوتیله جقدر : علوم دینیة اسلامیة ، لسان ترکی ، بلغار لسانی ، حساب ، هندسه ، پداغوزی (تریسه) ، اصول تدریسیه نك اساسات عمومیه سی ، هردرسک طرز تدریسنه دائر اصوللر و بوخصوصه لزومی اولان تطبیقات (جغرافیا ، معلومات مدنیة ، تاریخ طبیعی ، رسم ، موسیقی ، کمان و جیمناستیک .

سکزنجی ماده - درسلر ترجیحاً بلغار لسانی اوزرینه تدریس اولنه - جقدر . علوم دینیة اسلامیة و لسان ترکی ، ترکیه اوله رق تدریس ایدیله جکدر .

طغوزنجی ماده - شمنی دارالمعلمینی معلملری بلغارستان معارف نظارتی طرفندن معارف نظامنامه عمومیه سنه اتباعاً تعیین ایدیله جکدر . لسان ترکی و علوم دینیة اسلامیة ایچون متخصص معلملر تعیین اولنه جقدر .

اوتنجی ماده - پداغوزی به عائد تطبیقات ، محلی اسلام مکتب ابتدائیسندن برنده و یاخود محلی بلغار مکتب ابتدائیسنده اجرا ایدیلر .

اون برنجی ماده - بومکتبک ایکی صنفی ده ا کمال ایدنلر ، ترکیه و بلغارچه دن هم تحریری همده شفاهی ، علوم دینیة اسلامیة ، پداغوزی ، تاریخ وطن ، جغرافیا و حساب درسلرندن ایسه یالکیز شفاهی امتحان و یرمکه مجبوردرلر . بوامتحانلر ، پداغوزی مکتبلرنده تطبیق ایدیلکده اولان رؤس

امتحانلری نظامنامه سنه توفیقاً و باش مفتی طرفندن کوندریله جک مرخص حاضر بولندینی حاله اجرا ایدیله جکدر .

اون ایکنجی ماده - شمنی اسلام دارالمعلمینی ا کمال ایدنلر ، بلغارستان مکتب ابتدائیه سنه طالب اولان معلملرک کافه سنه مراجع بولنه جقدر .

بومکتب مفتشلی بویکی معلملرک تعیینی تسهیل اتمکله برابر کندیلرینه ده مناسب معاش و یرلمی ایچون مکتب انجمنلری نزدنده تشبثاتده بولنه جقدر .

ملاحظه : بلغار پداغوزی و یاخود اعدادیلرخی ا کمال ایدن مسلمان کنجلی دخی بوخصوصه کی حق رجحانه مالک بولنه جقدر .